

李翰林集卷第十二

翰林供奉李白

訓答

答杜秀才五松山見贈

答長安崔少府叔封遊終南翠微寺太宗皇帝

金沙泉見寄

張相公出鎮荊州

贈李十二

左司郎中崔宗之

訓崔丑郎中

以詩代書答元丹丘

至陵陽山登天柱石訓韓侍御見招隱黃山

訓裴侍御對雨感時見贈



答裴侍御先行至石頭驛以書見招期月滿泛

洞庭

答友人寒夜獨酌有懷

訓中都小吏攜斗酒雙魚逆旅見贈

答高山人兼呈權顧二侯

贈李十二

攝監祭御
史崔成甫

訓崔侍御

翫月金陵城西孫楚酒樓

江上答崔宣城

金門答蘇秀才

訓張卿夜宿南陵見贈

訓岑勳見尋說元丹丘對酒相持以詩見招

五月答汶上翁

答族姪僧中孚贈玉泉仙人掌茶

并序

訓談少府

訓崔十五見招

訓坊州王司馬與閻正字對雪見贈

訓張司馬贈墨

訓裴侍御留岫師彈琴見寄

答從弟幼成過西園見贈

醉後答丁十八以詩譏余槌碎黃鶴樓

早秋單父南樓訓竇公衡

訓宇文少府贈桃竹書筒

答湖州迦葉司馬問白是何人

訓王補闕惠翼蒞廟宋丞泚贈別

山中問答

答友人贈烏紗帽

荅杜秀才五松山見贈

五松山南陵銅坑西五六里也

昔獻長楊賦天開雲雨歡當時待詔承明裏皆道揚
雄才可觀敕賜飛龍二天馬黃金絡頭白玉鞍浮雲
蔽日去不返揔爲秋風摧紫蘭角巾東出商山道採
秀行歌詠芝草路逢園綺笑向人兩君解來一何好
聞道金陵龍虎盤還同謝眺望長安千峯夾水向秋
浦五松名山當夏寒銅井炎爐歆九天赫如鑄鼎荆
山前陶公矍鑠呵赤電回祿睢盱揚紫煙此中豈是
父留處便欲燒丹從列仙愛聽松風且高卧颼颼吹

盡炎氛過登崖獨立望九州陽春欲奏誰相和聞君
往年遊錦城章仇尚書倒屣迎飛牋絡驛奏明主天
書降問迴恩榮骯髒不能就珪組至今空揚高蹈名
夫子工文絕世奇五松新作天下推吾非謝尚邀彥
伯異代風流各一時一時相逢樂在今袖拂白雲開
素琴彈爲三峽流泉音從茲一別武陵去去後桃花
春水深

荅長安崔少府叔封遊終南翠微寺太宗皇

帝金沙泉見寄

河伯見海若一作客傲然誇秋水小物昧遠圖寧知通

方士多君紫霄意，獨往蒼山裏。地古寒雲深，巖高長
風起。初登翠微嶺，復憩金沙泉。踐苔朝霜滑，弄波夕
一作月圓飲彼石下流結蘿宿谿煙鼎湖夢涿水龍
駕空茫然早。行子午間却，登山路遠拂琴騎。霜狖滅
燭乃星飯，人煙無明異。鳥道絕徑返，攀崖倒青天。下
視白日晚，既過石門隱。還唱石潭歌，涉雪奉紫芳。濯
纓想清波，此人不可見。此地君自過，爲余謝風泉。其
如幽意何。

張相公出鎮荊州尋除太子詹事余時流夜
郎行至江夏與張相公去千里公因太府丞

王昔使車寄羅衣一事及五月五日贈余余
答以此詩

張衡殊不樂，應有四愁詩。慙君錦繡段，贈我慰相思。
鴻鵠復矯翼，鳳皇憶故池。榮樂一如此，商山老紫芝。

贈李十二

左司郎中崔宗之

涼秋八九月，白露空園庭。耿耿意不暢，悄悄風葉聲。
思見雄俊士，共話今古情。李侯忽來儀，把袂苦不早。
清論既抵掌，玄談又絕倒。分明楚漢事，歷歷王霸道。
擔囊無俗物，訪古千里餘。袖有匕首劍，懷中茂陵書。
雙眸光照人，詞賦凌子虛。酌酒絃素琴，霜氣正凝潔。

平生心中事今日為君說我家有別業寄在嵩之陽
明月出高岑清溪澄素光雲散窓戶靜風吹松桂香
子若同斯遊千載不相忘

酬崔五郎中

朔雲橫高天萬里起秋色壯士心飛揚落日空歎一作
光雲息長嘯出原野凜然寒風生幸遭聖明時功業猶
未成奈何懷良圖鬱悵獨愁坐披策尋英豪立談乃
知我崔公生人秀涵邈青雲姿制作參造化託諷含
神祇海嶽尚可傾吐諾終不移一本無此二句是時霜飈寒
逸興臨華池起舞拂長劔四座皆揚眉因得窮歡情

贈我以新詩又結汗漫期九垓遠相待舉身憩蓬壺
濯足弄滄海從此凌倒景一去無時還朝遊明光宮
暮入閭闔關但得長把袂何必嵩丘山

以詩代書答元丹丘

青鳥海上來今朝發何處口銜雲錦字與我忽飛去
鳥去凌紫煙書留綺窓前開緘方一笑乃是故人傳
故人深相勗憶我勞心曲離居一作君在咸陽三見秦
草綠置書雙袂開引領不整鬢長望香難見浮雲橫

遠山草一作城

至陵陽山登天柱石酬韓侍御見招隱黃

山

韓晨

一作衆

騎白鹿西往華山中玉女千餘人相隨在

雲空見我傳祕訣精誠與天通何意到陵陽遊目送

飛鴻天子昔避狄與君亦乘驄擁兵五陵下長策竭

胡戎時秦解繡衣脫身若飛蓬鸞鳳翻羽翼啄粟坐

樊籠海鶴一笑之思歸向遼東黃山過石柱巘嶠上

攢叢因巢翠玉樹忽見浮丘公又引王子喬吹笙舞

松風朗詠紫霞篇請開藥珠官步網繞碧落倚樹招

青童何日可攜手遺形入無窮

訓裴侍御對雨感時見贈

雨色秋來寒風嚴清江爽孤高繡衣人蕭灑青霞賞

平生多感激忠義非外獎禍連積怨生事及徂川往

楚邦有壯士鄢郢翻掃蕩申包哭秦庭泣血將安仰

鞭屍辱已及堂上羅宿莽頗似今之瓜瓞賊陷忠謹

渺然一水隔何由稅一作思歸鞅日夕聽猿愁懷賢盈

夢想

答裴侍御先行至石頭驛以書見招期月滿

泛洞庭

君至石頭驛寄書黃鶴樓開絨識遠意速此南行舟

風水無定準湍波或滯留憶昨新月生西簷一作若

瓊鈞今來何所似破鏡懸清秋恨不三五時明湖泛

澄流一本云恨不三五此歡竟莫遂狂殺王子猷一作巴

陵定近遠持贈解人憂遙一作近

答友人寒夜獨酌有懷一云答王十二

昨夜吳中一作谷雪子猷佳興發萬里浮雲卷碧山青

天中道流孤月孤月滄浪河漢清北斗錯落長庚明

懷余對酒夜霜白玉牀金井冰崢嶸人生飄忽百年

內且須酣暢萬古情君不能狸膏金距學鬪雞坐令

臭息吹虹霓君不能學哥舒橫行青海夜帶刀西屠

石堡取紫袍吟詩作賦北窓裏萬言不直一杯水世

人聞此皆掉頭有如東風射馬耳魚目亦笑我請與

明月同驂騑拳跼不能食蹇驢得志鳴春風折楊黃

華合流俗晉君聽琴枉清角巴人誰肯和陽春楚地

由來賤奇璞黃金散盡交不成白首為儒身被輕一

談一笑失顏色蒼蠅貝錦喧謗聲舊本無此二句曾參豈是

殺人者讒言三及慈母驚與君論心握君手榮辱於

余亦何有孔聖猶聞傷鳳麟董龍更是何雞狗一生

傲岸苦不諧恩踈媒勞志多乖嚴陵高揖漢天子何

必長劔柱頤事玉階達亦不足貴窮亦不足悲韓信

羞將絳灌比襴衡恥逐屠沽兒君不見李北海英風

豪氣今何在君不見裴尚書古墳三尺蒿棘居少年
早欲五湖去見此彌將鐘鼎跡

訓中都小吏攜斗酒雙魚逆旅見贈

魯酒若琥珀汶魚紫錦鱗山東豪吏有俊氣手攜此
物贈遠人意氣相傾兩相顧斗酒雙魚表情素雙鯉
呀呷鰭鬣張躐刺銀盤欲飛去呼兒拂机霜刃揮紅
肥花落白雪霏爲君下筯一餐飽醉著金鞍上馬歸

荅高山人無呈權顧二侯

虹霓掩天光旆后起康濟應運生夔龍開元掃氛翳
太微廓金鏡端拱清遐裔輕塵集嵩岳虛點盛明意

謬揮紫泥詔獻納青雲際讒惑英主心恩疎佞臣計
傍徨庭闕下歎息光陰逝未作仲宣詩先流賈生涕
挂帆秋江上不爲雲羅制山海向東傾百川無盡勢
我於鷓夷子相去千餘歲運關英達一作遠稀同風遙
執袂登艫望遠水忽見滄浪杳高士何處來虛舟眇
安繫衣貌本淳古文章多佳麗延引故鄉人風義未
淪替顧侯達語默權子識通蔽曾是無心雲俱爲此
留滯雙萍易飄轉獨鶴思凌厲明晨去瀟湘共謁蒼
梧帝

贈李十二 攝監察御史崔成甫

我是瀟湘放逐臣，君辭明主漢江濱。
天外常求太白，老金陵捉得酒仙人。

訓雀侍御

嚴陵不從萬乘遊，歸卧空山釣碧流。
自是客星辭帝座，元非太白醉揚州。

翫月金陵城西孫楚酒樓，達曉歌吹日晚乘
醉著紫綺裘烏紗巾，與酒客數人棹歌秦淮。

往石頭訪崔四侍御

昨翫西城月，青天垂玉鈎。
朝沽金陵酒，歌吹孫楚樓。
忽憶繡衣人，乘船往石頭。
草裏烏紗巾，倒披紫綺裘。

兩岸拍手笑，疑是王子猷。
酒客十數公，崩騰醉中流。
謔浪棹海客，喧呼傲陽侯。
半道逢吳姬，卷簾出柳榆。
我憶君到此，不知狂與羞。
月下—見君，三杯便迴橈。
捨舟共連袂，行上南渡橋。
興發歌淥水，秦客爲之搖。
一作雞鳴復相招清宴逸雲霄贈我數百字字字凌
風飈繫之衣裘上，相憶每長謠。

江上答崔宣城

太華三芙蓉，明星玉女峯。
尋仙下西岳，陶令忽相逢。
問我將何事，湍波歷幾重。
貂裘非季子，鶴氅似王恭。
謬忝燕臺召，而陪郭隗蹤。
水流知入海，雲去或從龍。

樹色曉洲月一本云樹山鳴鵲鎮鍾還期如可訪台

嶺陰長松

金門答蘇秀才

君還石門日朱火始改木春草如有情山中尚含綠
折芳愧遙憶永路當自勗遠見故人心平生以此足
巨海納百川麟閣多才賢獻書入金闕酌醴奉瓊筵
屢忝白雲唱恭聞黃竹篇恩光照拙薄雲漢希騰遷
銘鼎儻云遂扁舟方渺然我留在金門君去卧丹壑
未果三山期遙欣一丘樂玄珠寄罔象赤水非寥廓
願狎東海鷗共營西山藥栖巖君寂蔑處世余龍蠖

良辰不同賞永日應閑居鳥鳴簷間樹花落窓下書
緣谿見綠篠隔岫窺紅蕖採薇行笑歌眷我情一作春情
我何已月出石鏡間松鳴風琴裏得心自虛妙外物
空顛靡身世如兩忘從君老煙水

訓張卿夜宿南陵見贈

月出魯城東明如天上雪魯女驚莎雞齊鳴一作應
秋節當君相思夜火落金風高河漢挂戶牖欲濟無
輕舸我昔辭林立雲龍忽相見客星動太微朝去洛
陽發爾來得茂彥七葉仕漢餘身為下邳客一作宰家
有圮橋書傳說未夢時終當起巖野萬古騎辰星光

輝照天下與君各未遇長策委蒿萊寶刀隱玉匣繡
澁空莓苔遂令世上愚輕我土與灰一朝攀龍去一作
龜龜安在哉故山定有酒與爾傾金壘

酬岑勛見尋就元丹丘對酒相待以詩見

招

黃鶴東南來寄書寫心曲倚松開真緘憶我腸斷續
不以千里遙命駕來相招中逢元丹丘登嶺宴碧霄
對酒忽思我長嘯臨清飈余未相知茫茫綠雲垂
俄然素書及解此長渴飢策馬望山月途窮造堦墀
喜茲一會面若覩瓊樹枝憶君我遠來我歡方速至

開顏酌美酒樂極忽成醉我情既不淺君意方亦深
相知兩相得一顧輕千金且向山客笑與君論素心

五月東魯行答汶上翁一無東魯行字

五月梅始黃蠶凋桑柘空魯人重一作已織作機杼鳴
簾櫳顧余不及事學劍來山一作開東舉鞭訪前途獲

笑汶上翁下愚忽壯士未足論窮通我以一箭書能
取聊城功終然不受賞羞與時人同西歸去直道落

日昏陰虹此一本無此二句去爾勿言甘心爲轉蓬

答族姪僧中孚贈玉泉仙人掌茶并序

余聞荊州玉泉寺近清溪諸山山洞往往有乳窟窟

中多玉泉交流中有白蝙蝠大如鷓按仙經蝙蝠一名仙鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常采而飲之年八十餘歲顏色如桃花一作李而此茗清香滑熟異於他者所以能還童振枯扶人壽也余遊金陵見宗僧中孚示余茶數十片拳然重疊其狀如手號為仙人掌茶蓋新出乎玉泉之山曠古未覲因持之見遺兼贈詩要余答之遂有此作後之高僧大隱知仙人掌茶發乎中孚禪子及青蓮居士李白也一作發乎中孚及李白也

嘗聞玉泉山山洞多乳窟仙鼠如白鷓倒懸深谿月茗生此中石玉泉流不歇根柯灑芳津採服潤肌膚叢老來一作綠葉枝枝相接連曝成仙人掌似拍一作洪崖肩舉世未見之其名定誰傳宗英乃禪伯作客投贈有佳篇清鏡燭無鹽顧慙西子妍朝坐有餘興長吟播諸天

訓談少府

一尉居侯忽梅生有仙骨三事或可羞由奴晒千秋壯心屈黃綬浪迹寄滄洲昨觀荆峴作如從雲漢遊老夫當暮矣蹠足懼驂騑

訓崔十五見招

爾有鳥跡書相招琴溪飲手跡尺素中如天落雲錦
讀罷向空笑疑君在我前長吟字不滅懷袖且三年
訓坊州王司馬與閻正字對雪見贈

遊子東南來自死適京國飄然無心雲倏忽復西北
訪戴昔未偶尋嵇此相得愁顏發新歡終宴叙前識
閻公漢庭舊沉鬱富才力價重銅龍棲聲高重門側
寧期此相遇華館陪遊息積雪明遠峯寒城鏤春色
主人蒼生望假我青雲翼風水如見資投竿佐皇極

訓張司馬贈墨

上黨碧松煙夷陵丹砂末蘭麝凝珍墨精光乃堪掇
黃頭奴子雙鴉鬢錦囊養之懷袖間今日贈余蘭亭
去興來灑筆會稽山

訓裴侍御留岫師彈琴見寄

君同鮑明遠邀彼休上人鼓琴亂白雪一作秋變江
上春瑤草綠未衰攀翻寄情親相思兩不見流淚空
盈巾

答從弟幼成過西園見贈

一身自瀟灑萬物何囂誼拙薄謝明時棲閑歸故園
二季過舊壑四鄰馳華軒衣劍照松宇賓徒光石門

山童薦珍果野老開芳樽上陳樵漁事下叙農圃言
昨來荷花蒲今見蘭苔繁一笑復一歌不知夕景昏
醉罷同所樂此情難具陳

醉後答丁十八以詩譏余槌碎黃鶴樓

黃鶴高樓已槌碎黃鶴仙人無所依黃鶴上天訴玉
帝却放黃鶴江南歸神明太守再雕飾新圖粉壁還
芳菲一州笑我爲狂客少年往往來相譏君平簾下
誰家子云是遼東丁令威作詩調我驚逸興白雲遶
筆牕前飛待取明朝酒醒罷與君爛熳尋春暉

早秋單父南樓酬竇公衡

白露見日滅紅顏隨霜凋別君若俯仰春芳辭秋條
泰山嵒峩夏雲在疑是白波漲東海散爲飛兩川上
采遙帷却卷清浮埃知君獨坐青軒下此時結念同
所懷我閉南樓看道書幽簾清寂在仙居曾無好事
來相訪賴爾高文一起予

訓宇文少府贈桃竹書筒

桃竹書筒綺繡文良工巧妙稱絕群靈心圓映三江
月彩質疊成五色雲中藏寶訣峨眉去千里提携長
憶君

答湖州迦葉司馬問白是何人

青蓮居士謫仙人酒肆藏名三十春
湖州司馬何須問金粟如來是後身

訓王補闕惠翼莊廟宋丞泚贈別

學道三千春自言義和人軒蓋宛若夢雲松長相親
偶將二公合復與三山鄰喜結海上契自爲天外賓
鸞翻我先鍛龍性君莫馴朴散不向古時訛皆失真
勿踏荒溪波竭來浩然津辟帶何辭楚桃源堪避秦
世迫且離別心在期隱淪訓贈非炯誠永言銘佩紳

山中問答

問余何意一作事栖碧山笑而不答心自閑桃花流水

杳然去別有天地非人閒

答友人贈烏紗帽

領得烏紗帽全勝白接籬山人不照鏡稚子道相宜

李翰林集卷第十三

翰林供奉李白

留別

聞李太尉大舉秦兵百萬出征東南懦夫請纓
冀申一割之用半道病還留別金陵崔侍
御十九韻

夢遊天姥吟留別諸公

留別金陵諸公

口號

感時留別從兄徐王延年從弟延陵

別東林寺僧

別韋少府

魏都別蘇因

留別于十一兄逖裴十三遊塞垣

金陵酒肆留別

竄夜郎於烏江留別宗十六

魯郡堯祠亭上宴別杜補闕范侍御

金陵白下亭留別

留別魯頌

將遊衡岳過漢陽雙松亭留別族弟浮屠談皓

送孟浩然之廣陵

留別王司馬嵩

別儲邕之剡中

留別賈舍人至二首

別西河劉少府

南陵別兒童入京

別山僧涇川作

別中都明府兄

留別龔處士

留別曹南群官之江南

還山留別金門知己

夜別張五

潁陽別元丹丘之淮陽

留別廣陵諸公

廣陵贈別

江夏別宋之悌

贈別鄭判官

渡荆門送別

贈別王山人歸布山

聞李太尉大舉秦兵百萬出征東南懦夫請

纓冀申一割之用半道病還留別金陵崔侍
御十九韻

秦出天下兵蹴踏燕趙傾黃河飲馬竭赤羽連天明
太尉杖旄鉞雲旗繞彭城三軍受號令千里肅雷霆
函谷絕飛鳥武關擁連營意在斬巨鼉何論鱠長鯨
恨無左車略多愧魯連生輝劍照巖霜一作席彫戈鬢
胡纓願雪會稽耻將期報恩榮半道謝病還無因東
南征亞夫未見顧劇孟阻先行天奪壯士心長吁別
吳京金陵遇太守倒屣欣逢迎群公咸祖餞四座羅
朝英初發臨滄觀醉栖征虜亭別一作售國見秋月長

江流寒聲帝車信迴轉河漢縱復橫孤鳳向西海飛
鴻辭北溟因公出寥廓揮手謝公卿

夢遊天姥吟留別諸公一作別東魯諸公

海客談瀛洲煙濤微茫信難求越人道一作語天姥雲
霓明滅或可覩天姥連天向天橫勢拔五岳掩赤城
天台四萬八千丈對此欲倒東南傾我欲因之夢吳越一
夜飛度鏡湖月湖月照我影送我到剡谿謝公宿處
今尚在淥水蕩漾清猿啼脚著謝公屐身登青雲梯
半壁見海日空中聞天雞千巖萬轉路不定迷花失
倚一作石忽已暝熊咆龍吟殷巖泉慄慄深林兮驚層

巔雲青青兮欲雨水澹澹兮生煙列缺霹靂丘壑崩
摧洞天石扉訇然中開青冥浩蕩不見底日月照耀
金銀臺霓爲衣兮風爲馬雲之君兮紛紛而來下本
三飄紛紛虎鼓瑟兮鸞迴車仙之人兮列如麻忽魂
悸以魄動恍驚起而長嗟遺覺時之枕席失向來之
煙霞世間行樂亦如此古來萬事東流水別君去何
時還且放白鹿青崖間須行即騎訪名山安能摧眉
折腰事權貴使我不得開心顏

留別金陵諸公

海水昔飛動三龍紛戰爭鍾山危波瀾傾側駭奔鯨
黃旗一掃蕩割壤開吳京六代更霸王遺跡見都城
至今秦淮間禮樂秀群英地扇鄒魯學詩騰顏謝名
五月金陵西祖余白下亭欲尋廬峯頂先繞漢水行
香爐紫煙滅瀑布落太清若攀星辰去揮手緬含情

口號

食出野田美酒臨遠水傾東流若未盡應見別離情
感時留別從兄徐王延年從弟延陵

天籟何參差噫然大塊吹玄元包囊齋紫氣何遠迤

七葉運皇化千齡光一作本枝仙風生桂一作樹大

雅歌螽斯諸王若鸞虬肅穆列藩維指兄錫茅土聖

代含榮滋九卿領徐方一作七步繼陳思伊昔全盛

日雄豪動京師冠劍朝鳳闕樓船侍龍池鼓鐘出朱

邱金翠照丹墀君王一顧眄選色獻蛾眉列戟十八

年未曾輒遷移大臣小暗鳴謫竄天南垂長沙不足

舞貝錦且成詩佐郡浙江西病閑絕趨馳階軒日苔

蘚鳥雀噪簷帷時乘平有輿出入畏人知北宅聊偃

息歡愉恤惇發羞言梁苑地烜赫耀旌旗兄弟八九

人吳秦各分離大賢達機兆豈獨慮安危小子謝麟

閣鴈行忝肩隨令弟字延陵鳳毛出天姿清英神仙

骨芬馥蒞蘭蕤夢得春草句將非惠連誰深心紫河

車與我特相宜金膏猶罔象玉液尚磷緇伏枕寄賓

館宛同清漳湄藥物多見饋珍羞亦兼之誰道溟渤

深猶言淺恩慈鳴蟬游子意促織念歸期驕陽何太

赫海水爍龍龜百川盡凋枯舟楫閣中達策馬一作

採涼月通宵出郊岐泣別目眷眷傷心步遲遲願言

保明德王室佇清夷一作袂何所道援毫投此辭

別東林寺僧

東林送客處月出白猿啼笑別廬山遠何煩過虎谿

別韋少府

西出蒼龍門南登白鹿原欲尋南山皓猶戀漢皇恩

水國遠行邁仙經深討論洗心向一作溪月清耳敬

亭猿築室在人境閑門無世誼多君在高駕贈我以

微言交乃意氣合道因風雅存別離有相思瑤瑟與

金樽作開門關

魏郡別蘇因

魏都接燕趙美女誇芙蓉淇水流碧玉舟車日奔衝

青樓夾兩岸萬室喧歌鐘天下稱豪貴遊此忽一作

相逢洛陽蘇季子劔戟森詞鋒六印雖未佩軒車若

飛龍黃金數百鎰白壁有幾雙散盡空掉臂高歌賦

還邛合從又連橫其意未可封一本無落魄乃如此

何人不相從遠別隔兩河雲山杳千重何時更盃酒

再得論心骨

留別于十一兄逖裴十三遊塞垣

太公渭川水李斯上蔡門釣周獵秦安黎元小魚鮑

兔何足言天張雲卷有時節吾徒莫歎一作羝觸藩

于公白首大梁野使人悵望何可論既知朱亥為壯

士且願束心秋毫裏秦趙虎爭血中原當去抱關救

公子裴生覽千古龍鸞炳文章悲吟雨雪動林木放

書鞞劔思高堂勸爾一杯酒拂爾裘上霜爾為我楚

舞吾為爾楚歌且探虎穴向沙漠鳴鞭走馬凌黃河

恥作易水別臨岐淚滂沱

金陵酒肆留別

風吹柳花滿店香吳姬壓酒喚客嘗金陵子弟來相
送欲行不行各盡觴請君試問東流水別意與之誰
短長

竄夜郎於烏江留別宗十六

君家全盛日台鼎何陸離斬鼉翼媧皇鍊石補天維
一迴日月顧三入鳳皇池失勢青門傍種瓜復幾時
猶會舊賓客三千光路岐皇恩雪憤懣松栢含榮滋
我非東林人令姊忝齊眉浪迹未出世空名動京師
適遭雲羅解翻謫夜郎悲拙妻莫邪劍及此二龍隨
慚君湍波苦千里遠從之白帝曉猿斷黃牛過客遲
遙瞻明月峽西去益相思

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與晴空宜
魯酒白玉壺送行駐金羈歇鞍憇古木解帶挂橫枝
歌鼓川上亭曲度神飈吹雲歸碧海夕鴈沒青天時
相失各萬里茫然空爾思

金陵白下亭留別

驛亭三楊樹正當白下門吳煙暝長條漢水蓄古根

向來送行處迴首阻笑言別後若見之爲余一攀翻
留別魯頌

誰道太山高下却魯連節誰云秦軍衆摧却魯連舌
獨立天地間清風灑蘭雪夫子還侑儻攻文繼前列
錯落石上松無爲秋霜折贈言鏤寶刀千歲庶不滅
將遊衡岳過漢陽雙松亭留別族弟浮屠談
結

秦欺趙氏壁却入邯鄲宮本是楚家玉還來荆山中
丹彩照滄溟精輝凌白虹青蠅一相點流落此時同
卓絕道門秀談玄乃支公延蘿結幽居剪竹繞芳叢

涼花拂戶牖芙蓉籟鳴虛空憶我初來時蒲萄開景風
今茲大火落秋葉黃梧桐水色夢沅湘長沙去何窮
寄書訪衡嶠但與南飛鴻

送孟浩然之廣陵

故人西辭黃鶴樓煙花三月下揚州孤帆遠影碧山
盡唯見長江天際流

留別王司馬嵩

魯連賈談笑豈是顧千金陶朱雖相越本有五湖心
余亦南陽子時爲梁甫吟蒼山空偃蹇白日惜頽侵
願一佐明主功成還舊林西來何所爲孤劍託知音

鳥愛碧山遠魚遊滄海深呼鷹過上苑
賈春向嵩岑他日閑相訪丘中有素琴

別諸筓之剡中

借問剡中道東南指越鄉舟從廣陵去
水入會稽長竹色溪下綠荷花鏡裏香
辭君向天姥拂石卧秋霜留別賈金人
至二首

大梁白雲起飄飄來南洲徘徊蒼梧野
十見羅浮秋鰲挾山海傾四溟揚洪流
意欲託孤鳳從之摩天遊鳳苦道路難
翱翔還崑丘不肯銜我去哀鳴慙不留
遠客謝主人明珠難暗投拂拭倚天劍
西登岳陽樓

長嘯萬里風掃清宵中憂誰念劉越
石化為繞指柔秋風吹胡霜凋此簷下
芳析芳怨歲晚離別悽以傷謬攀青瑣
賢延我於北一作此堂君為長沙客我獨之
夜郎勸此一盃酒豈唯道路長割珠兩分
贈寸心貴不忘何必兒女仁相看淚成行

別西河劉少府

秋髮已種種所為竟無成閑傾魯壺酒
笑對劉公榮謂我是方朔人間落歲星
白衣千萬乘何事去天庭君亦不得意
高歌羨鴻冥世入若醯雞安可識梅生
雖為刀筆吏緬懷在赤城余亦如流萍
隨波樂休明

自有兩少妾雙騎駿馬行東山春酒綠歸隱謝浮名
南陵別兒童入京

白酒新熟山中歸黃雞啄黍秋正肥呼童烹雞酌白
酒兒女嬉笑牽人衣高歌取醉欲自慰起舞落日爭
光輝一本無遊說萬乘苦不早著鞭跨馬涉遠道會
稽愚婦輕買臣余亦辭家西入秦仰天大笑出門去
我輩豈是蓬蒿人

別山僧涇川作

何處名僧到水西乘舟弄月宿涇谿平明別我上山
去手攜金一作重策踏雲梯騰身轉覺三天近舉足迴

看萬嶺低誰浪肯居支遁下風流還與遠公齊此度
別離何日見相思一夜瞑猿啼

別中都明府兄

吾兄詩酒繼陶君試宰割雞中都作天下聞東樓喜奉
連枝會南陌愁為落葉分城隅淶水明秋日海上青
山隔暮雲取醉不辭留夜月鴈行中斷惜離群

留別龔處士

龔子棲閑地都無人世喧柳深陶令宅竹暗辟疆園
我去黃牛峽遙愁白帝猿贈君卷施草心斷竟何言

留別曹南群官之江南

我昔釣白龍放龍溪水傍道成本欲去揮手凌蒼蒼
時來不關人談笑遊軒皇獻納少成事歸休辭建章
十年罷西笑覽鏡如秋霜閉劔琉璃匣鍊丹紫翠房
身佩豁落圖霄垂虎盤囊仙人駕綵鳳志在窮遐荒
戀子四五人徘徊未翱翔東流送白日驟歌蘭蕙芳
仙宮兩無從人間久摧藏范蠡說句踐屈平去懷王
飄飄紫霞心流浪憶江鄉愁為萬里別復此一銜觴
淮水帝王州金陵繞丹陽樓臺照海色衣馬搖川光
及此北望君相思淚成行朝雲落夢渚瑤草空高堂
帝子隔洞庭青楓滿瀟湘懷君路綿邈覽古情淒涼
登岳眺百川杳然萬恨長知戀峨眉去弄景偶騎
羊

還山留別金門知己

好古笑流俗素聞賢達風方希佐明主長揖辭成功
白日在青天迴光矚微躬恭承鳳凰詔歛起雲蘿中
清切紫霄迴優游丹禁通君王賜顏色聲價凌煙虹
乘輿擁翠蓋扈從金城東寶馬驟絕景錦衣入新
豐倚巖望松雪對酒鳴絲桐方學揚子雲獻賦甘泉
宮天書美片善清芬播無窮歸來入咸陽談笑皆王
公一朝去金馬飄落成飛蓬賓友日踈散玉樽亦已

空長才猶可倚不慚世上雄閑來東武吟曲盡情未
終書此謝知己扁舟尋釣翁

夜別張五

吾多張公子別酌酣高堂聽歌舞銀燭把酒輕羅
霜橫笛弄秋月琵琶彈陌桑龍泉解錦帶爲爾傾千
觴

潁陽別元丹丘之淮陽

吾將元夫子異姓爲天倫本無軒裳契素以煙霞親
嘗恨迫世網銘意俱未伸松栢雖寒苦羞逐桃李春
悠悠市朝間玉顏日緇磷所共重山岳所得輕埃塵
精魄漸蕪穢衰老相憑因我有錦囊訣可以持君身
當餐黃金藥去爲紫陽賓萬事難並立百年猶崇晨
別爾東南去悠悠多悲辛前志庶不易遠途期所遵
已矣歸去來白雲飛天津

留別廣陵諸公

淮南二作留別邯鄲故人

億昔作少年結交趙與燕金羈絡駿馬錦帶橫龍泉
寸心無疑事所向非徒然晚節覺此踈獵精草太玄
空名束壯士薄俗棄高賢中廻聖明顧揮翰凌雲烟
騎虎不敢下攀龍忽墮天還家守清真孤潔勵秋蟬
鍊丹費火石採藥窮山川卧海不關人租稅遼東田

乘興忽復起掉歌溪中船臨醉謝葛強山公欲倒鞭
狂歌自此別垂釣滄浪前

廣陵贈別

玉瓶沽美酒數里送君還繫馬垂楊下銜杯大道
間天邊看涿水海上見青山興罷各分袂何須別醉
顏

江夏別宋之悌

楚水清若空遙將碧海通人分千里外興在一杯
中谷鳥吟晴日江猿嘯晚風平生不下淚於此泣無
窮

贈別鄭判官

竄逐勿復哀慙君問寒灰浮雲本無意吹落章華臺
遠別淚空盡長愁心已摧二年吟澤畔顛顛幾時迴
渡荆門送別

渡遠荆門外來從楚國遊山隨平野盡江入大荒流
月下飛天鏡雲生結海樓仍連故鄉水萬里送行舟
贈別王山人歸布山

王子析道論微言破秋毫還歸布山隱興入天雲高
爾去安可遲瑤草恐衰歇我心亦懷歸屢夢松上衣
傲然遂獨往長嘯開巖扉林壑久已蕪石道生薔薇

願言弄笙鶴歲晚來相依

李翰林集卷第十三